

A ÑUCAMA SINANXUN CA AXA ANU TIMĚCĚ UNICAMAN ĚSAQUIN CAXA:

A PAIN SINANCĚ BANA

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun camaxunbi 'unancĕ 'aish ca camabi uni, uni itsin racueocema 'janan cĕmei ami mananquin 'atimocĕna 'aish chŭamarua bucuti 'icĕn.

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun sinanti 'ainbi ca an usaquin sinancĕma unicaman an sinancĕx a meu 'icĕ uni 'aisamaira tĕmĕramianan paĕ tanmiquin 'atimoia, uni rafri usoquin uni 'ati ca 'aisama 'icĕ quicĕbĕtanbi. Usaquin bĕtsi unĭ 'ati cuĕĕnima ca camabi uni ĕsai itĭ 'icĕn: aĥu ĥu ĥui cara banaia a cupĭ ubĭocĕma itĭ, 'ianan aĥu ĥu cara sinania a cupĭ ubĭocĕma 'itĭ, 'ianan aĥu cara pisa tania pianan ain cuĕĕncĕ ĥu bĭanan uinu cara 'isa tania anu 'iabi ca bĕtsi unĭ unin racuĕotĭma icĕn.

CAMAXUNBI CA 'UNANIA: Gobiernocaman uni upitax bucunun quixun bana mĕniocĕma 'ain tĕmĕraquin ca unicaman masá nuituquin ain 'apumibĭ nishi 'acananti sinanti 'icĕn.

CAMAXUNBI CA 'UNANIA: Camabi netenu 'icĕ unicama ubĭocĕma 'aish chŭamarua 'inun ca camabi nĕtĕnu 'icĕ gobiernobĕ ain unicamaribi bĕtsi gobierno 'imainun ain unicamabĕ nishananima upĭ itĭ 'icĕn.

CAMAXUNBI CA 'UNANIA: Gobiernocaman xucĕx timĕcĕ unicaman ca upĭma ĥu 'acĕma 'aish ca camabi uni bĕtsibĕ sĕnĕn 'aish ubionancĕma upitĭ itĭ icĕ quixun sinanquin camabi uni usai 'inun 'aquinŭ camaxbi 'iásamaira oi upitĭ bucunun.

CAMAXUNBI CA 'UNANIA: Gobiernocamanribi ca caxa, camabi 'apun anĕcĕ unicaman sinancĕsaribi oquin cananuna nunribi sinanin. Usaxun cananuna atubĕtan atŭn sinancĕsabi oi nun nĕtĕnu 'icĕ unicama 'atima ĥu 'acĕma 'aish upitĭ bucunun 'aquinti 'ain.

CAMAXUNBI CA 'UNANIA: Camabi unicama ubĭocĕma upitĭ bucunun ca camaxunbi pain ĕnĕ banacama unanquin sinanti 'icĕn.

Gobiernocaman xucĕx timĕcĕ unicaman ca ĕsaquin caxa:

A ÑUCAMA SINANXUN CA AXA ANU TIMĚCĚ UNICAMAN ĚSAQUIN CAXA:

Camabi nĕtĕnu 'icĕ unicaman: ĕsai 'itĭ 'aish ca camabi uni upitĭ bucutĭ ice quixun sinanquin ca ĕnĕ quiricanua ĥuicĕ banacama manutimoquin sinánan an ĕnĕ bana 'unancĕma unicamanribi upĭ oquin 'unánun 'unanmitĭ 'icĕn. Camabi gobiernonĕn ca ain nĕtĕnu icĕ unicaman ĕnĕ banacama upĭ oquin 'unánun 'aquinti 'icĕn. Camabi nĕtĕnu 'icĕ unicaman ĕnĕ banacama upĭ oquin 'unánun ca gobiernocama bĕtsi gobiernobĕ 'aquiananti 'icĕn.

1.

Ui uni cara 'itĭ icĕ axbi ca bĕtsi unibĕ gobiernonĕn iscĕx sĕnĕn itĭ icĕn. Ui cara ain tita ain papa 'iaxa quixun sinanquinma ca gobiernonĕn sinancĕx ax bĕtsibĕ sĕnĕn 'icĕn. Camaxunbi ca sinanti 'unanin. Camaxunbi ca aĥu ĥu ati cara asábĭ 'icĕn, aĥu ĥu 'ati cara 'aisama 'icĕ quixun 'unanti 'icĕn. Usa 'ain ca camaxbi ain xucĕnbĕ 'icĕsaribiti nuiananti 'icĕn.

2.

Uinu 'icē ēmanu 'icē uni cara ax 'icē, ui unin aintsi cara ax 'icē, ax cara xanu 'icē, ax cara nucē bēnē 'icē, uisa banan cara banaia. Nucēn Papa Diosmi cara sinania, ami sinanima añu ñubi rabi cara sinania, ui unicamax cara 'apu 'iti ice quixun sinania, añu ñu cara sinania, uisai cara ain papa ain tita 'ia, ñuñu cara ax 'icē, ñuñuma cara, usa ñucama sinanquinma ca gobiernonēn camabi uni ñu 'atima 'acēma 'aish ca bētsi unibē sēnēn icē quixun sinanti 'icēn.

Uisa cara ain nete icē, a nētē cupí ca uni 'atimocē 'itima 'icēn.

3.

Ui unibi ca bētsi unin bamamiti sinantima 'icēn. Ca chiquítimoi sipuacē 'itima 'icēn. Ca 'atimocē 'itima 'icēn.

4.

Uinu 'icē unixbi ca chiquitimoquin marucē 'itima 'icēn. Uni chiquitimoquin maruxun 'ibuati 'aíma ití 'icēn.

5.

Uinu ice unibi ca 'aisamaira oquin uni itsin paē tanmitima 'icēn. Bētsi uni ami nishquin paē tanmiquin 'atimocē a ca 'itima 'icēn. Ñuina 'acēsa oquin 'atimocē ca uni 'itima 'icēn.

6.

Uinu 'icē uníxa uinu cara 'ia a ca anu 'icē gobiernonēn uni itsi 'acēsaribi oquin sinanti 'icēn, ax bētsi unisaribi 'icē cupí.

7.

Uinu ice unibi, ami uni itsin upima sinanquin paránan 'atimonunma ca gobiernonēn 'aquintí 'icēn. Enē banacama sinanquinma ain cuēñcēs a oquin unin uní itsi atimoi ami 'ēsēnanunma ca gobiernonēn bēruati 'icēn.

8.

Uni ñu 'atima 'acēma 'icēbi uni itsin 'atimocē 'ixun ca a unin an uni bana mēnixuncē 'apu cati 'icēn. Cacēxun ca mēniotí 'icēn, gobiernonēn cacēsabi oquin.

9.

Uinu 'icē unixbi ca añubi 'uchacēma 'icēbi bētsi uni ain cuēñcēsa oquin sipuacē 'itima 'icēn. Sipunu 'icē ca anubi 'inun ėntima 'icēn. Ain menua ca bētsi menu cuantanun xutima 'icēn.

10.

Unin uisa ñu 'acë 'icëa bëtsi uni a 'aisamonun quixun ami mananquin cacëxun ca an bana mëniocë 'apun bëtsi uni manancë a unin banaribi asërabi cara usa 'icë quixun 'unantí 'icën, uni raírinënribi ismainun. Upí oquin istancëxuinshi ca cati 'icën, uisa cara a uní otí ice quixun, gobiernonën ain quiricanu mëníosabi oquin.

11.

Uinu 'icë uni cara uni itsin ami manania, a ca an bana mëniocë 'apun pain upí oquin sinantí 'icën, sapi ca ñu 'atima 'acëma 'icë quixun. Gobiernonën cacësabi oquin pain ca isti 'icën uisa ñucama cara 'axa quixun. Uni rairinën ismainun ca axa ami manancë unicaman bana cuanan amia manancancë a unin banaribi cuanan an a uni unancë unin banaribi cuatí 'icën. Cuaxuinshi ca asërabi uisa cara a uni 'iaxa quixun upí oquin 'unantí 'icën.

Uisai cara gobiernonën bana quia usoquinshi ca an bana menioce 'apun a 'uchacë uni asërabi ain ñu 'atima 'acë istancëxun uisa cara otí ice usoquin 'atí 'icën. Anun a ñu 'aisama 'acë nētē ain fecha isquin ca an bana mëniocë 'apun a fecha gobierno quicë bana bëtisoima a bana quicësabi oquinshi axa 'uchacë uní atí icën.

12.

Uinu 'icë uninbi ca ain cuëñcësa oquinshi bëtsi uni 'imainun ain xanu 'imainun ain bëchicë ubiotima 'icën, ain xubunu ca atsintima 'icën, ain quirica bëtsi unin bëmicë 'imainun quirica an buanmicë ca rairinën bitima 'icën. Usa 'ain ca uinu ice unixbi, a unix ca 'aisama icë quixun uni rairi sinanmi 'atimati banatima 'icën. Usai banacëbëtanbi an bana menioce apun gobiernonën cacësabi oquin meniotí 'icën.

13.

Uinu cara uni cuainsa tania, anu ca cuanti 'icën; ain nētēnu 'aisch uinu cara tsotisa tania ca uni anu tsoti 'icën.

Ui unix cara ain nētēnuax nētē itsinu cuainsa tania ax ca cuanti 'icën. Amanu 'itancëx ain nētēnu utēcëinsa tani ca uti 'icën.

14.

Uix cara ain nētēnuxun bëtsi bëtsi ocë 'ia ax ca tēmëranuxma bëtsi nētēnu cuainsa tani cuanti 'icën.

Ain ñu 'atima 'acë cupí gobiernonën mënioquin 'atimocë usa uni ca ain nētēnuax tēmëratí rabanan bëtsi nētēnu cuantima 'icën.

15.

Camabi uni ca ain netenu ití icën.

Enë nētē minan 'aishbi ca minanma 'iti 'icë quixun ca unin bëtsi uni catima 'icën. Bëtsi nētēnu 'isa tanquin ca unin usai 'inuxun gobiernobëtan mëniotí 'icën.

16.

Bětsi bětsi unix ca quia: Uni canice ixunbi ca bětsi netenu icě xanu bitima 'icěn, ca bětsi banan banacě xanu bitima 'icěn, ca an rabicě dios rabicěma xanu bitima 'icěn. Usa unix quicěsai ca 'itima 'icěn. Unin usa xanu canicě 'icě bisa tanquin ca bití 'icěn, a xanu cuěěncěbětan. Atux 'isa tani ca běchicěňu 'ití 'icěn. Gobiernoněn iscěx ca a uni ain xanubě sěněn 'icěn, xěñibua 'ainbi.

Nucě běně cuěěnquinshi ca xanu bití 'icěn, a anúribi cuěěnia ca bití 'icěn.

Tuácama ain tita ain papabě 'aquiananti ca asábi 'icěn. Usai upíti bucunun ca camabi unin sinantí 'icěn. 'Apunribi ca usai 'inun sinanxunquin 'aquintí 'icěn.

17.

Uni meňu 'isa tania ca uni itsin meňu 'inun ěnti 'icěn. Xuburibi 'imainun añu ñuñu cara uni 'isa tania ca uni itsin a ñuñu 'inun ěnti 'icěn. 'Aisa tanquin uni rairibětan mēñotancex ca a ñu ainainshima, rairinanribi 'iti 'icěn.

Unin ca ain cuěěncěsa oquinshi bětsi unin ñu bitima 'icěn.

18.

Camabi unin ca ain cuěěncěsa oquin sinanti 'icěn; uni rairiněn ubiócěma ca 'ití 'icěn. Uisoquin cara ain dios rabbitisa tania usoquin ca 'ati 'icěn. Usaquin sinanxunbi ca amiribishi 'aisa tanquin sinantécentí 'icěn; uni rairinén ubiócěma ca 'ití 'icěn. En rabicě diosan iscěx ca bětsi bětsi ñu 'ati 'aisama 'icě quixun sinancě uni ca bětsi unin a ain cuěěncěsabi oquin 'anun ěnti 'icěn. Usa ain ca ain diosmi cataměisa tania bětsi unin a 'axunma 'anun catima 'icěn. An rabicě dios ca anbi rabbití 'icěn. 'Aisa tani ca uni rairibě timěquin abětan rabbiti 'icěn. Rabiquin ca 'aisa tanquin rairi uniribi ain dios ñuiquin 'unanmití 'icěn.

19.

Camabi unin ca ain cuěěncěsa oquin sinanti 'icěn. Ca ubiócěma 'iti icěn. Ca bětsi unin cacě bana 'aisa tanquin sinanti 'icěn. Bětsi nětěnu 'icě uniběribi ca 'unanmiananti 'icěn. Usai 'i ca ubiócěma iti 'icěn. Usaribi oi ca ain sinancě ñu ñui banatisa tani banati 'icěn; ca ubiócěma 'iti 'icěn.

20.

Uni rairibě timčtisa tani ca uni upí oquiinschi sinanx timetí 'icěn.

Uinu 'icě uninbi ca bětsi unin abětan ñu 'aisama tania ubioxun ñu 'amitima 'icěn.

21.

Camabi unin ca libreta electoralñu 'ixun ain cuěěncěsa oquin 'apu caisquin votación 'atí 'icěn.

Gobiernoněn ain nětěnu 'icě unicama 'aquinun mēniocě ñucama ca camabi uninan 'icěn. Ca esa 'icěn: Bai cha anun ca carrocama 'imainun unicama cuainsa tani cuanti 'icěn. Anun quirica buanmiti correo anun ca unin 'aisa tanquin ain quirica buanmiti 'icěn. Usai ca 'iti 'icěn.

Uisa gobierno cara a nētēnu 'icē unicama cuēēnia, usa ca ain gobierno 'iti 'icēn. Uisa gobierno cara a unicama cuēēnia 'unánun ca libreta electoralñu 'icē unicaman quiricanu cuēñeoquin uicama cara ain 'apu 'iti cuēēnia quixun 'unánun 'ati 'icēn. Camabi uni ain sinancēsabi oquin ca uix 'apu 'iti cara cuēēnia, ain anē quiricanu cueneotí icēn. Cuēñeocē ca uni itsin 'unantima 'icēn, anbi cuēñeocē ca ití 'icēn. Camabi uni ca bētsibē sēnēn 'icēn. Usa 'aish ca camabi uni gobierno quicēsabi ol libreta electoralñu 'iti 'icēn.

22.

An ñu 'atima 'acēma 'aish ca uinu 'icē unixbi rabinima bētsi uni 'icēsai ñu meetinu ianan uni rairibē nuianancē 'ianan ain rairinēn ñu 'acē 'icēsaribi oi 'isa tani ití 'icēn. Uní usai 'icēma 'aish tēmērala ca uni itsin 'aquinti 'icēn, ain 'apunribi mēniocēsabi oi ca 'aquince ití icēn. Uni ain nētēnuax cara uisa ñu cara 'icēbē tēmēria ca bētsi nētēnu 'icē gobiernonēnribi 'aquina tanquin 'aquinti 'icēn.

23.

Camabi unin ñu mēētisa tanquin ca ñu meetí 'icēn. Año ñu mēēti cara 'aisa tania a ñu mēēti mēraquin ca 'ati 'icēn. An ñu mēēmicē unin ca ain uni 'atimotima 'icēn. Ñu mēēti 'alma 'ain ca 'apun ñu mēēti mēranun 'aquintí 'icēn.

Ui uni cara, uisa cara ain bana 'icē, camabi uni ca sēnen 'icēn. Usa 'ixun ca upí oquin ñu meece 'ixun bētsi unin 'acēsaribi oquin ain cupí bití 'icēn.

Ui unin bētsi uni ñu mēēxuncē 'ixun ca ain cupí bití 'icēn, a 'imainun ain xanu 'imainun ain bēcicēcama upití bucunun. Ain cupí 'itsamashi bicē 'aish 'aquina 'icē ca apun anun a 'aquinti mēnioti 'icēn.

An ñu mēēcē uni raíri unibē timēquin bētsibē bētsibē aquiananisa tanquin, ulsoquin cara ain ñu mēēti 'ati 'icē quixun sinánan uisa cara ain ñu meetí icē quixun acama sinánux timētia ca uni itsin usaquin anun enti icēn.

24.

Camaxbi ñu mēētancēx tantiti ca asábi 'icēn. 'Uráinra tantiquinma ñu mēētancēx ca tantití 'icēn. Anun tantiti nētē gobiernonēn mēnlocēsabi oquin ca unin ñu mēēquinmabi ain cupí bití 'icēn.

25.

Camabi uni 'imainun ain xanu 'imainun ain bēcicēcama ēsai 'iti ca asábi "icēn: 'insincēma chuámarua, pitiñu, chupañu, anu itinu, insincē 'aish roñu 'iti. Uni ain ñu meetí 'alma, uni insince, uni bētsicē, xanu casunamēcē, uni xēni acama anun upití 'iti 'alma 'ain, ain aintsin 'aquiniama ca a 'aquinti 'apun mēniotí 'icēn.

Tuáñu xanucama 'imainun tuácamaribí upití inun ca 'aquinccē ití icēn. Bētsi tuácama 'icēsaribitia 'inun ca unin xanumi sēcē' ocē tuácama bērúance ití icēn.

26.

Camabi tuá ca escuelanu atsintisa tani atsinti 'icën. Cuploquinma ca primaria 'ati pain atsinti 'icën. Camabi tuá ratsu ca escuelanu cuanti 'icën. Ui unicama cara escuela tēcnica anu atsintisa tania ca anu cuanti 'icën, apun mēníosabi oi. Secundaria cēñutancēxun bētsi ñuribi unantisa tani ca bētsi escuelanuribi atsinti 'icën, ain nota asábi ain.

Escuelanuxun ca quiricanu cuēñöcē ñuishi 'unanmicēma 'iti 'icën. Anuxun ca alumnocama bētsi ñu 'atiribi 'unanmicē ití 'icën, 'imainun ca upí oquian alumnonēn sinanti aribi 'unanmicē 'iti 'icën. Bētsi menu 'icē unicama 'imainun bētsi banan banacē unicama 'imainun Nucēn Papa Diosmi sinancē unicama 'imainun ami sinancēma unicama, camabi nusaribi uni 'aish unibē nuibananti ca 'unanmicē 'iti 'icën. Usaquin sinanmicēx ca gobiernocaman xucē unicama timēxun cuēñcēsabi oi unicama bētsibē nishanani 'acananti 'aima ití icën.

Bētsi unin cacēsamaira oquin ca ain titabētan ain papan cati 'icën, uisa escuelanuxuinra cara ain bēchicēñēn ñu 'unanti ice quixun.

27.

A ēmanu 'icē unicaman 'acēsa oquin ca anu 'icē uni rairinēn 'aisa tanquin usaribi oquin 'ati 'icën. A ēmanu 'icē unicaman sinancēsa oquin ca anu 'icē uni rairinēn 'aisa tanquin usaribi oquin sinanti 'icën, camaxunbi ñu 'ati upí oquin 'unánan upiti bucunun.

An ñu 'acē uní 'imainun an ñu cuēñöcē uni anpan 'acē 'ain ca bētsi unix, en 'acē ca quiax quitima 'icën. Usai bētsi unix quiti rabanan ca an ñu 'acē unin 'aisa tanquin an 'acē ñu a 'apu 'unanmiti 'icën.

28.

Enē quiricacama quicēsabi oi camabi uni uni itsin ublocēma upiti bucuti 'inun ca camabi nētēnu icē unin ain aintsi 'aquinti 'icën.

29.

Camabi únin ca ain ēmanu 'icē unicama 'imainun a 'urama 'icē ain caibucama 'aquianan atubētan ain ēma 'imainun mecama upí imití icën.

Usaquin 'ai cuni ca unix masá sinancēma 'aish upiti 'ití 'icën.

Unix ublocē 'aish upiti bucucēma 'imainun unin ñu 'atima 'aquin uni itsiribi ñu 'atima 'amiti 'imainun bētsi bētsi ñu sinanquin uni raíri tsuáquirumiti usai 'iti rabanan ca gobiernonēn ain unicaman cuati bana mēñoia. Usa oquin mēnlocē banacama ca ain unicaman cuati 'icën.

Gobiernocaman xucēx timꞥcē unicaman upí oquin sinanquin ca ēñē banacama cuēñöxa. Usaribi oquin ca camabi unin ēñē bana isquin, usaquin sinanquin 'acē ca enex ice quixun upí oquin sinanti 'icën. An 'acē unicaman sinancē bana ca bētsiotima 'icën.

30.

Enē banacama bētsioquin ca uinu 'icē uninbi uni raíricama upiti bucunun quixun sinanquinma, 'ēx cuēñcēsa oquin 'anun ca a bana quia quixun sinantima 'icën. Uni raíri bētsi unibē timēcēcama 'imainun gobiernonu ice apucamanribi ca usa oquin sinantima icën.